

«ՌՈՒՍ-ՀԱՅԿԱԿԱՆ ՀԱՄԱԼՍԱՐԱՆ»
ԲԱՐՁՐԱԳՈՒՅՆ ԿՐԹՈՒԹՅԱՆ ՄԻՋՊԵՏԱԿԱՆ ԿՐԹԱԿԱՆ
ԿԱԶՄԱԿԵՐՊՈՒԹՅՈՒՆՈՒՄ ԳՈՐԾՈՂ 063 ՄԱՍՆԱԳԻՏԱԿԱՆ ԽՈՐՀՐԴԻՆ
ԿԱՐԾԻՔ

ՀՐԱՆՏ ԱՐՄԵՆԻ ՍԱՐԿԻՍՈՎԻ՝ «ԱՆՎՏԱՆԳՈՒԹՅԱՆ ԽՈՐՀՐԴԻ
ՍԱՀՄԱՆԱԴՐԱԻՐԱՎԱԿԱՆ ԿԱՐԳԱՎԻՃԱԿԻ ՀԻՄՆԱԽՆԴԻՐՆԵՐԸ»
ԹԵՄԱՅՈՎ ԺԲ.00.02 - «ՀԱՆՐԱՅԻՆ ԻՐԱՎՈՒՆՔ - ՍԱՀՄԱՆԱԴՐԱԿԱՆ,
ԿԱՐԶԱԿԱՆ, ՖԻՆԱՆՍԱԿԱՆ, ՄՈՒՆԻՑԻՊԱԼ, ԲՆԱՊԱՀՊԱՆԱԿԱՆ,
ԵՎՐՈՊԱԿԱՆ ԻՐԱՎՈՒՆՔ, ՊԵՏԱԿԱՆ ԿԱՌԱՎԱՐՈՒՄ»
ՄԱՍՆԱԳԻՏՈՒԹՅԱՄԲ ԻՐԱՎԱԲԱՆԱԿԱՆ ԳԻՏՈՒԹՅՈՒՆՆԵՐԻ ԹԵԿՆԱԾՈՒԻ
ԳԻՏԱԿԱՆ ԱՍՏԻՃԱՆԻ ՀԱՅՅՄԱՆ ՀԱՄԱՐ ՆԵՐԿԱՅԱՑՎԱԾ
ԹԵԿՆԱԾՈՒԱԿԱՆ ԱՏԵՆԱԽՈՍՈՒԹՅԱՆ ՎԵՐԱԲԵՐՅԱԼ

Հրանտ Արմենի Սարկիսովի **«Անվտանգության խորհրդի սահմանադրաիրավական կարգավիճակի հիմնախնդիրները»** վերտառությամբ թեկնածուականատենախոսությունը նվիրված է Անվտանգության խորհրդի սահմանադրաիրավական կարգավիճակի հիմնախնդիրների ուսումնասիրությանը։

Անվտանգության խորհրդի սահմանադրաիրավական կարգավիճակի ուսումնասիրությունը պայմանավորված է դրա առանցքային դերով ազգային անվտանգության քաղաքականության ձևավորման և իրականացման գործընթացում։ Հայաստանի Հանրապետության Սահմանադրությամբ Անվտանգության խորհուրդը ճանաչվել է որպես սահմանադրական մարմին, ինչը վկայում է նրա առանձնահատուկ տեղն ու նշանակությունը պետական կառավարման համակարգում։ Միաժամանակ դրա սահմանադրական կարգավիճակի վերաբերյալ շարունակում են գոյություն ունենալ մի շարք տեսական և գործնական հարցեր, որոնք վերաբերում են լիազորությունների բնույթին, ընդունվող ակտերի իրավական ուժին, այլ պետական մարմինների հետ փոխհարաբերություններին, ինչպես նաև անվտանգության ոլորտում կայացվող որոշումների սահմանադրական հիմքերին։ Հետևաբար, Անվտանգության խորհրդի սահմանադրաիրավական կարգավիճակի համակողմանի ուսումնասիրությունը անհրաժեշտ է ոչ միայն գործող իրավակարգավորման բովանդակությունը բացահայտելու, այլև դրա կատարելագործման հնարավոր ուղղությունները գնահատելու տեսանկյունից։

Հետազոտության արդիականությունը պայմանավորված է նաև այն հանգամանքով, որ ժամանակակից անվտանգային միջավայրում ազգային անվտանգության սպառնալիքների բնույթը էականորեն փոխվել է՝ ընդգրկելով

նազմական, քաղաքական, տնտեսական, տեղեկատվական, կիրքեռանվտանգության և այլ ոլորտներ: Այս պայմաններում Անվտանգության խորհրդի արդյունավետ գործունեությունը մեծապես կախված է նրա սահմանադրաիրավական կարգավիճակի հստակությունից, լիազորությունների իրավական որոշակիությունից և պետական իշխանության այլ մարմինների հետ փոխգործակցության արդյունավետ մեխանիզմներից: Ուստի նշված հիմնահարցերի գիտական ուսումնասիրությունը կարևոր նշանակություն ունի ինչպես սահմանադրական իրավունքի տեսության զարգացման, այնպես էլ ազգային անվտանգության ոլորտի իրավական կարգավորման կատարելագործման համար:

Գրախոսվող ատենախոսության հիմնական արժանիքներից է հետազոտության առարկայի համալիր և համակարգային ուսումնասիրությունը: Հեղինակը քննության է առել ոչ միայն Հայաստանի Հանրապետության Անվտանգության խորհրդի ստեղծման և զարգացման պատմաիրավական առանձնահատկությունները, այլև դրա կազմավորման կարգը, կառուցվածքը, ընդունվող իրավական ակտերի բնույթը, ինչպես նաև պետական այլ մարմինների հետ փոխհարաբերությունները:

Աշխատանքի գիտական արժեքը պայմանավորված է նաև արտասահմանյան փորձի և համապատասխան նորմատիվ իրավական աղբյուրների լայն շրջանակի ուսումնասիրությամբ: Տարբեր պետությունների Անվտանգության խորհուրդների կազմակերպաիրավական մոդելների վերլուծությունը հնարավորություն է տվել հեղինակին բացահայտելու ուսումնասիրվող ինստիտուտի ընդհանուր օրինաչափություններն ու ազգային առանձնահատկությունները:

Ատենախոսությունն ունի նաև գործնական նշանակություն, քանի որ դրանում ներկայացված մի շարք եզրահանգումներ և առաջարկություններ կարող են օգտակար լինել Հայաստանի Հանրապետության Անվտանգության խորհրդի իրավական կարգավիճակի և գործունեության օրենսդրական կարգավորումների հետագա կատարելագործման համար:

Ատենախոսության գիտական նորույթը դրսևորվում է Հայաստանի Հանրապետության Անվտանգության խորհրդի սահմանադրաիրավական կարգավիճակի, դրա կազմի և կառուցվածքի, ընդունվող ակտերի իրավական բնույթի, ինչպես նաև պետական մարմինների հետ փոխհարաբերությունների վերաբերյալ հեղինակի կողմից ձևակերպված տեսական եզրահանգումներում և օրենսդրական առաջարկություններում:

Ատենախոսության թեման և բովանդակությունն ամբողջությամբ համապատասխանում են ընտրված մասնագիտությանը:

Ո՞րոշումն ընդունվեց՝ հեղինակի կատարած աշխատանքը, այնուհանդերձ

իրավական կարգավիճակի և գործունեության օրենսդրական կարգավորումներում:

1. Աշխատանքում բավարար չափով հիմնավորված չէ, թե ինչ չափանիշներով են համեմատական ուսումնասիրության համար ընտրվել հենց ԱՄՆ-ի, Մեծ Բրիտանիայի, Գերմանիայի Դաշնային Հանրապետության և Ռուսաստանի Դաշնության Անվտանգության (Ազգային անվտանգության) խորհուրդները: Հստակ չեն ներկայացվում նաև նշված պետությունների համեմատական վերլուծությունից բխող սահմանադրաիրավական օրինաչափություններն ու Հայաստանի Հանրապետության համար դրանց կիրառելիության սահմանները:

2. Ատենախոսության 1.3 ենթագլխում ներկայացված Անվտանգության խորհուրդների դասակարգման չափանիշները բավարար չափով չեն հիմնավորվում 1.1 և 1.2 ենթագլուխներում կատարված համեմատական վերլուծության արդյունքներով: Բացի այդ, դասակարգման շրջանակում Լատվիայի փորձի ներառումը գիտամեթոդական տեսանկյունից հիմնավորված չէ, քանի որ չի պարզաբանվում դրա ընտրության անհրաժեշտությունը և նշանակությունը ներկայացված դասակարգման համար:

3. Աշխատանքում անդրադարձ է կատարվում «թվային ինքնիշխանության»ը և համացանցից բխող ազգային անվտանգության մարտահրավերներին, սակայն բավարար չափով չի պարզաբանվում, թե դրանց հակազդման գործում ինչ սահմանադրաիրավական դեր և իրավասություններ պետք է վերապահվեն Հայաստանի Հանրապետության Անվտանգության խորհրդին:

4. 3.2 ենթագլխի վերնագրից կարելի է ենթադրել, որ ենթագլուխը նվիրված է Անվտանգության խորհրդի՝ գործող իրավակարգում իրավաստեղծ գործունեության ուսումնասիրությանը, մինչդեռ դրա հիմնական բովանդակությունը վերաբերում է Անվտանգության խորհրդին լրացուցիչ լիազորությունների վերապահման հիմնավորմանը: Արդյունքում ենթագլխի վերնագիրն ամբողջությամբ չի արտացոլում դրա բովանդակությունը:

5. Աշխատանքում առկա են նաև մասնավոր բնույթի այլ թերություններ, խմբագրական անճշտություններ, հեղինակային մտքի ոչ հստակ ձևակերպումներ:

Չնայած վերոգրյալին՝ նշված թերությունները չեն նսեմացնում աշխատանքի որակը, գրախոսման ներկայացված ատենախոսությունը ամբողջական և ավարտուն հետազոտություն է, հեղինակին հաջողվել է հասնել հետազոտության նպատակներին, և առաջադրված խնդիրներին տալ հիմնավոր պատասխաններ:

Ամփոփելով վերը շարադրվածը, գտնում ենք, որ **Հրանտ Արմենի Սարկիսովի «Անվտանգության խորհրդի սահմանադրաիրավական կարգավիճակի հիմնախնդիրները»** թեմայով թեկնածուական ատենախոսությունը ավարտուն և համալիր հետազոտություն է, այն համապատասխանում է ՀՀ կառավարության 1997 թ. օգոստոսի 8-ի թիվ 327 որոշմամբ հաստատված՝ «Հայաստանի Հանրապետությունում գիտական աստիճանաշնորհման կանոնակարգ»-ով թեկնածուական ատենախոսությանը ներկայացվող պահանջներին, և ներկայացված

աշխատանքի համար հեղինակն արժանի է ԺԲ.00.02- «Հանրային իրավունք-
սահմանադրական, վարչական, ֆինանսական, մունիցիպալ, բնապահպանական,
եվրոպական իրավունք, պետական կառավարում» մասնագիտությամբ
իրավաբանական գիտությունների թեկնածուի գիտական աստիճանի շնորհման:

Պաշտոնական ընդդիմախոս՝

Իրավ. գիտ. թեկնածու, դոցենտ Հասմիկ Ստեփանյան

20 հուլիսի 2026

Իրավ. գիտ. թեկնածու, դոցենտ Հասմիկ Ստեփանյանի ստորագրությունը
հաստատում եմ՝

«Ռուս-հայկական համալսարան» բարձրագույն կրթության միջպետական
կրթական կազմակերպության գիտական քարտուղար՝

Բ.Գ.Թ. Ռոզա Կասաբաբովա

«20» հուլիսի 2026

